



1. PROMOCIÓN E TITULACIÓN NA ESO

1.1. PROMOCIÓN NA ESO

Ao finalizar cada un dos cursos da etapa, o equipo docente na sesión de avaliación final decidirá sobre a promoción do alumno ou da alumna. A decisión será adoptada de xeito colexiado.

Acadará a promoción dun curso a outro o alumnado que superase as materias ou os ámbitos cursados, ou teña avaliación negativa nunha ou dúas materias.

Ademais de nos casos anteriores o equipo docente poderá decidir a promoción dunha alumno ou dun alumno sempre que se cumpran tamén todas as condicións seguintes:

- a) Que a media aritmética das cualificacións obtidas en todas as materias en que estea matriculada ou matriculado nese ano académico sexa igual ou superior a cinco.
- b) Que o equipo docente considere que a natureza das materias non superadas lle permite seguir con éxito o curso seguinte.
- c) Que o equipo docente considere que ten expectativas favorables de recuperación.
- d) Que o equipo docente considere que a devandita promoción beneficiará a súa evolución académica.

1.2. TITULACIÓN NA ESO

Ao finalizar o cuarto curso da etapa, o equipo docente da alumna ou alumno, na sesión de avaliación final, decidirá sobre a súa titulación. A decisión será adoptada de xeito colexiado.

Obterá o título de graduado en educación secundaria obligatoria o alumnado que supere todas as materias ou ámbitos cursados.



Ademais de no caso anterior, o equipo docente poderá decidir a obtención do título por parte dunha alumna ou dun alumno, sempre que se cumpran tamén todas as condicións seguintes:

- a) Que a media das cualificacións obtidas en todas as materias en que estea matriculada ou matriculado nese ano académico sexa igual ou superior a cinco
- b) Que a xuízo do equipo docente a alumna ou alumno adquirise as competencias establecidas
- c) Que a xuízo de equipo decente a alumna ou alumno alcance os obxectivos da etapa

2. PROMOCIÓN E TITULACIÓN NO BACHARELATO

2.1. PROMOCIÓN NO BACHARELATO

Ao finalizar o primeiro curo da etapa, o equipo docente de cada alumna ou alumno adoptará a decisión sobre a súa promoción ao segundo curso.

As alumnas e os alumnos acadarán a promoción de primeiro a segundo de bacharelato cando superen as materias cursadas ou teñan avaliación negativa en dúas materias como máximo.

As alumnas e os alumnos que non cumpran as condicións de promoción establecidas deberán matricularse de todas as materias e repetir o curso na súa totalidade.

2.2. TITULACIÓN NO BACHARELATO

Para obter o título de Bacharel, cumplirá a avaliación positiva en todas as materias dos dous cursos de bacharelato.

Excepcionalmente, o equipo docente poderá decidir a obtención do título de bacharel por una alumna ou alumno que superase todas as materias agás unha, sempre que se cumpran ademais todas as condicións seguintes:



- a) Que o equipo docente considere que a alumna ou o alumno alcanzou as competencias e os obxectivos vinculados a ese título.
- b) Que non se produciu unha inasistencia continuada e non xustificada por parte do alumno ou alumna na materia. Considerarase que a inasistencia é continuada cando o número de faltas de asistencia sen xustificar na materia suspensa, sexa igual ou superior a tres veces o número de horas semanais nesa materia.
- c) Que o alumno ou alumna se presentou ás probas e realizou as actividades necesarias para a súa avaliación, incluídas as da convocatoria extraordinaria.
- d) Que a media aritmética das cualificacións obtidas en todas as materias da etapa cursadas que como mínimo se requiran para a obtención do título pola modalidade pola que se remata, sexa igual ou superior a cinco. Neste caso, para os efectos do cálculo considerarase a nota numérica obtida na materia non superada.

Documento aprobado en claustro de profesores/as

En Xinzo de Limia a 5 de abril de 2022